

【隨他教】（科註第三五九頁第七行 第124集 2013年1月14日）

《三藏法數》「隨他意語」條：謂佛一向隨順他機之意，說於方便之法，導引眾生，故名隨他意語。

【隨自】（科註第三五九頁第八行 第124集 2013年1月14日）

《佛學大辭典》「隨自意語」條：（術語）如來三語之一。

佛隨順自意自說所證之一實等法者。

涅槃經三十五曰：「如我所說十二部經，或隨自意說，或隨他意說，或隨自他意說。」

《天台教學辭典》「隨自意隨他意」條：隨自意與隨他意之並稱。略云隨自隨他。又云隨智隨情。

佛說法時，依其自內證而說者，稱為隨自意、隨智；其所說者，稱為隨自意語、隨智說。反之，順應對方之想法而說，稱為隨他意、隨情；其所說者，稱為隨他意語、隨情說。復次：不違佛之自內證而順應對方想法，與其同一說法，稱為隨自他意、隨情智；其所說者，稱隨自他意語、隨情智說。

此中，隨自意、隨他意、隨自他意之說，均見于『南本涅槃經』卷三二迦葉菩薩品。智者大師復就真俗二諦說，分別稱之為隨智、隨情、隨情智。

又台宗在教相分判上，以佛自顯之真實祕意為隨自意，隨順眾生之機情，而施各種方便為隨他意，而判法華為隨自意之

教，其他諸經則隨他意之說。此外，諸宗間亦廣用「隨自隨他」語，以判經之權實深淺，如『大日經疏』卷七及『金剛頂大教王經疏』卷一，均謂真言密教，為隨自意說，顯教為隨他意方便說。

日僧源空大師『選擇本願念佛集』以念佛為佛之隨自意，定散諸行之法為隨他意。

## 【五乘】

（科註第三六〇頁第三行 第124 | 125 集 2013年1月14 | 15日）

《三藏法數》：「出孟蘭盆經疏」

乘即運載之義。謂人天等各以所修之法為乘，運載至其所至之處，故有五乘也。

〔一、人乘〕，人者忍也。於世間違順情境，悉能安忍故也。謂人以三歸五戒為乘，運出四趣，生於人道，故名人乘。

（四趣者，修羅趣、餓鬼趣、畜生趣、地獄趣也。）

〔二、天乘〕，天者謂天然、自然、樂勝、身勝也。天以十善為乘，運出五道，得生欲天。於修十善時，更能修習禪定，即生色界，無色界天，故名天乘。（五道者，人道、修羅道、餓鬼道、畜生道、地獄道也。）

〔三、聲聞乘〕，聲聞者，聞如來聲教而得悟道也。謂聲聞以四諦為乘，運出三界，到於涅槃，故名聲聞乘。

〔四、緣覺乘〕，緣覺者，謂觀十二因緣覺悟真空之理也。以十二因緣為乘，運出三界，到於涅槃，故名緣覺乘。

〔五、菩薩乘〕，菩薩，梵語具云菩提薩埵，今稱菩薩者，從略也。華言覺有情，謂覺悟一切有情眾生也。以六度為乘，運諸眾生，同出三界，而到涅槃彼岸，故名菩薩乘。